

不悟景昇乃出化書授齊丘曰是書之化其化無窮願子
序之流於後世於是杖輟而去齊丘奪為已有而序之耳
噫昔向結秀述南華解義未傳而死郭象偷解成註誠罪
人也今譚君名刻于白簡身不老子人間齊丘敢縱其盜
心蔽其仙跡其罪尤者也果不其死宜乎哉
嘉祐五年夏四月二十一日碧虛子題化書後

道書全集黃帝陰符經三皇玉訣序


黃帝者道教之祖陰符者道書之宗黃帝戰蚩尤於涿鹿
見諸史鑑可稽經序黃帝視見蚩尤怪鳥至大山石洞石
匣中得經一卷號曰

元始天尊混元三皇玉訣陰符經盡是天文篆書青陽秀
氣結成字方一丈文義不解帝詣崆峒山禮廣成子詣峨
眉山禮天真皇人得授經義修之而仙本傳所云如此未
可輕議但此經傳世惟三百餘字後雖有諸家註釋多是
強為之說延蔓道藏萬卷附會紛紜至有三千八百門之
殊後學昧於正理競趨旁門小法白首無聞古今迷訣不
可殫紀所謂學者如牛毛成者如麟角良可慨也正德甲



戊夏首子遊上清院舊知院主荃村李羽士因會東和中
貴希古劉太相傾蓋間契合如故劉公謂予曰此經黃帝
遇廣成子天真皇人所授隱秘性命玄機久混藏中世所
罕見荃村闕藏表而出之以授希古茲欲梓行以廣其傳
願公序其始末使修仙之士得明性命正學不亦可乎噫
予儒生也烏足語此辭不獲乃爲之言曰仙家之學玄妙
杳茫儒者未易窺測性命之學切諸身心儒者所當究竟
孔子不語性命非不語也民可使由不可使知也易曰聖
人窮理盡性以至於命是豈易言耶予嘗聞之師所謂性
者有氣質之性有天賦之性所謂命者有分定之命有形
氣之命君子修天賦之性克氣質之性修形氣之命付分

定之命命非性不立性非命不寓分言之則二合言之則
一古經云儒者修之則可爲聖爲賢道者修之則可成仙
作祖仙道非聖賢之心不可學聖賢非仙道之質不可至
二者雖有隱顯之殊究其理則一也黃帝天生聖人垂衣
裳而天下治豈假於修仙耶洪荒之世不可考世稱伏羲
神農黃帝繼天立極開物成務與天爲一萬世永賴降及
老子變化無方隱顯莫測孔子見之有猶龍之嘆是果何
修而得此皆不可知也今仙家以黃老爲宗經書傳世皆
其緒餘不得真傳欲因其言而修之以希仙道猶射暗鏤
塵捉風捕影不亦難哉雖然道本無言因言以傳不有言
傳道幾息矣天何忍哉故聖仙雖往而斯道傳世不絕如



綏學者苟能竭其至誠幸遇明師得傳真訣法天地陰陽
五行運行之機爲吾身陰陽五行運用之妙使神凝而氣
聚命固而精完如魚飲水如龍養珠勤修不怠一旦豁然
吾知性命之學不在陰符而在吾心矣仙道有無予何敢
擬管窺之見不識二公以爲何如

賜羅倫榜進士奉議大夫奉

勅提督四川河南學校提刑按察司僉事致仕

詔進朝列大夫前翰林院庶吉士石洞道人江浦石淮序

道書全集陰符經三皇玉訣序


軒轅黃帝製

朕詔文武百官同理國事有護國岐師出班奏表有奇恠
鳥獸銅頭鐵額坐高三丈兩翅如刀飛騰遮蔽日月皆昏
在地吞石颺沙江河枯乾又傷害人民性命甚多天下無
治遂詔文武百官車駕親出觀天下人民痛傷視見蚩尤
果有恠鳥難治朕前去至一大山夜見紅光紫霧白氣青
霞圍繞不散再詔文武盡視皆見岐師奏言此山有名號
天壇第一洞天上臨玉清元始之宮朕親駕到山有一石
洞不知深淺差勇猛壯士名重山身長三丈五尺使入洞
內用燭火前去經三日三夜方出重山奏言中有大石匣




金甲神人八員守定各執斧鉞仗劒喝云不得到此重山
奏畢朕發心燒香上奏三清願臣有分開取石匣不避凶
吉要知天地秘密天機之事焚香告禮三清朕遂同入洞
亦有紅光逸定不見金甲神人朕於石匣見一卷經號曰
元始天尊混元三皇王訣陰符經即將經出洞焚香拜禮
上謝三清開看見字不常盡是天文篆書三百餘字分爲
三卷上卷天皇中卷地皇下卷人皇上卷按神仙抱一之
道中卷按富國安民之法下卷按強兵戰勝之術與天地
陰陽萬物爲祖宗治國齊家持身不灰之道皆從此經乃
青陽秀杰自然結成文每字方圓一丈朕復回皇都再集
文武百官議此經事之理盡言不知此義理不曾聞此經

出處朕遂行宣文天下名山洞府恐有玄妙高士并世賢
人深曉經義之事曾收此經者便許奏呈解義如通此陰
符經義者朕賞金賜命天下盡無此經豈通道理朕遍訪
名山洞府修道之士盡拜爲師求長生之路要解此經之
義絕無人知義理盡是傍門小法自此四十餘年入道身
衰皓髮如銀道也難成朕聞崆峒山有一高聖先生廣成
子妙道深玄朕車駕親詣自心屈弱膝步射行禮拜侍立
告求廣成子先生指教臣自石室中得陰符經一卷不曉
義理在世盡不通曉此經今遇先生感天不忘要通此經
之妙道廣成子先生言此經者是上天所秘在世洞天隱
此經一卷鎮天下妖魔龍神精恠當與世上有德行之人



遇此經者修長生之路復昇天道永世流傳天下信道有緣之人此經要知義理天下莫能知見今峨眉山有一高聖天真皇人深曉此經義理廣成子同去侍見天真皇人朕問此陰符經天皇地皇人皇陰陽造化治國治家治身長生不灰復昇於天界如何修道朕聞高聖廣成子先生說高聖天真皇人答朕當時深曉陰陽造化成道之理朕道成昇天之日恐後人信道修真者憑何經文朕乃留此經徧行於世復隱此經一卷於崆峒山又留九宮八卦分陰陽五行奪造化動天機入室登壇九宮局式璇璣立斗時分候節氣金木生殺擇真不實取時造化內鍊輕清化神純陽之體返金靈之虎變舞蚺火龍虛騰炎天之上入聖朝元之道集成文序又分造化陰陽日月為象天地為父母八卦為子孫太乙行乾坎艮震巽離坤兌天發殺機移星易宿九宮之圖如後人獲遇此經者不得輕泄不信之人若傳下愚之人者墮九玄七祖入輪迴永不得出期後殃及子孫也




道書全集陰符經三皇玉訣卷之上

黃帝問曰陰符者何也廣成子曰此陰符二字上可通天
下可察地中可化生萬物爲人最尊陰者暗也符者合
也古之聖人內動之機可以明天地造化之根至道推
移之源性命之本生歿之機知者可究合天地之機操
運長生之體故曰陰符也

黃帝曰上有神仙抱一之道者何也天真皇人曰夫神仙
抱一之道者上天所秘世人不可得之神仙抱一者乃
是太一含真之炁太一者乃是北極太淵之源乃虛無
煉神之道上天所秘世人不可得之子在人間安曉此
語一者天炁也人將太一真炁與我真炁相濟更要知

國立中央圖書館 國家中央圖書館 臺灣 中華民國




道書全集陰符經三皇玉訣卷之上

黃帝問曰陰符者何也廣成子曰此陰符二字上可通天
下可察地中可化生萬物爲人最尊陰者暗也符者合
也古之聖人內動之機可以明天地造化之根至道推
移之源性命之本生歿之機知者可究合天地之機操
運長生之體故曰陰符也

黃帝曰上有神仙抱一之道者何也天真皇人曰夫神仙
抱一之道者上天所秘世人不可得之神仙抱一者乃
是太一含真之炁太一者乃是北極太淵之源乃虛無
煉神之道上天所秘世人不可得之子在人間安曉此
語一者天炁也人將太一真炁與我真炁相濟更要知

國立中央圖書館 國家中央圖書館 臺灣 中華民國




天時受天氣接人氣人氣接天氣與天氣相接而不
也。人若包含太和真炁久而煉之乃爲太丹純陽也。陽
者天道故神炁合道乃爲神仙抱一之道。

黃帝曰中有富國安民者何也廣成子曰富國安民者乃
鍊炁之道也凡人將真精鍊成神胎名曰胎仙故聚而
成形散而成炁故與道相通道者養炁養炁者保神合
於大道故曰真炁相濟久而用火煅煉成丹若能全精
炁鍊作純陽故乃成丹換形萬神皆安國中有寶故曰
富國安民也。

黃帝曰下有強兵戰勝者何也天皇真人曰強兵戰勝者
乃真炁戰退陰炁也鍊體純陽金筋玉骨鶴體松形謂
之純陽故得不死以身爲國以心爲君以精爲民以形
爲爐首者鼎也精滿於腦故用火煅鍊成丹因精髓見
火火者陽炁息者風也以風吹火火鍊形神俱妙故曰
鍊神之道存心於內真炁自然沖和不死故曰鍊百關
精髓純陽也九竅炁定下關精炁不泄者勝也。

黃帝曰天皇者何也廣成子曰天皇者先天之前五劫開
化混沌之始也天皇一炁聖化萬象主天聖玉虛聖境
明皇之祖炁也。

黃帝曰地皇者何也天皇真人曰地皇者天皇一炁下降
於地地炁受之二炁相合主生化金光之炁乃是洞神
真境真皇之祖炁也。




黃帝曰。人皇者何也。廣成子曰。人皇者。在天地之間。虛無至理。爲天皇一炁。地皇一炁。太空虛中相合。化金木五星爲中宮。合乾坤八卦。保護化神。乃仙境主中元人皇之祖炁也。

黃帝曰。觀天之道。執天之行。盡矣。何也。天真皇人曰。觀天者。乃丹陽之炁。純陽之物。精氣運而不絕。昇沉往還。周時復始。包含萬象。乃青陽之炁。天地者。陰陽之精。天氣下降。地氣復昇。昇而復降。人在其中。而不知其理。天之陽精爲日。地之陰精爲月。日月運而不休。寒暑煎而無息。凡人不知身內。亦有天地之炁。天氣升降。在時人知者。觀天之道。執天之行。盡矣。

黃帝曰。何謂不知。廣成子曰。頭以象天。清陽之本。足以象地。濁陰之源。人能內含天地之道。與天地齊年。人身中有真陽之炁。藏於陰精之內。精炁者真炁之母。真炁者精炁之子。常將子母相守。故不歿。復歸其源。爲人不知時日。天樞之上。天元一炁。主之。天樞之下。地元一炁。主之。天樞之中。陰陽真元主之。人用天時。混元正一之炁。上下無窮。與天地齊年。乃觀天之道。執天之行。盡矣。

黃帝曰。人用者何也。天真皇人曰。聖人存精養氣。以保形神。人不知者。貪慾凶精。用心失神。勞形散氣。更不能使其神氣合道。不知天地之昇沉。日月之運轉。故歿也。以其分受日月之炁。若能觀此天地。與我同耳。爲人不知。



天地之理。陰陽之旨。若合天地之體。則至矣。此乃人之用也。


黃帝曰。天有五賊。見之者昌。何也。廣成子曰。天受一炁。內含五星之正炁。而稟清濁之源。地受一炁。故生二儀。復昇於天。造化以成三元。布烈四時。中有五炁。推運。共成五行。五賊者。則五行之正炁也。人能賊天地之炁。奪陰陽之造化。混三元之返覆。復四門之往來。一炁皆同。故成道也。乃五賊也。

黃帝曰。天有五賊。如何用也。天真皇人曰。五賊者。是五炁也。長養萬物。生殺之機。權造化之本始。天以五炁。聚而成形。散而為風。子能知道之源者。藏於身中。分而滿於

體內。精炁與天炁相濟。久而鍊成丹。是五行之正炁也。

天炁下降。地炁受之。而不相離。人在其中。五炁之內。若能賊之。故不歿也。吾今二十萬二千歲矣。皆因知五賊造化返復之理也。吾今傳受五賊之理。故有歿矣。若能從吾之言。賊天地五星之炁。則不歿也。乃五賊之理也。

黃帝曰。五賊在心。施行於天。何也。廣成子曰。人身中亦有五行之正炁。五行正炁者。五臟之氣也。五臟之氣者。五賊也。水得其一者。人腎屬於水。未生之前。道為之本。先生左腎。象北方。大淵之源。造化之本。為青陽之炁。號曰青龍。屬木。次生右腎。屬金。內有真精。主五行之正炁。號曰白虎。乃是白元君。一炁二腎。內生白脉二條。上湧朝




元通靈陽之宮。復降下通於巽坤。中有五炁。聚四時合於乾艮。出天甲入戊巳之內。乃道生神之始。人按天時相接。天地之炁。頭圓象天。足方象地。中理五炁。聚而入於絳宮。達於筋骨。去而朝於鼎內。復降湧泉入於中黃之宮。混合萬神。故青陽至首。羣陰皆散。更用五行正炁。內濟共一鼎。鍊成丹故不灰也。乃施行於天也。

黃帝曰。宇宙在乎手。何也。天真皇人曰。宇宙者天地也。陰陽萬物之本。受陰陽而成形。陰者地炁。陽者天炁。天炁下降。地炁受之。地炁上騰。天炁接之。天炁地炁相交。陰陽感契。萬神生化成象。上古聖人。把握天地陰陽造化之元機。機者在於用。知者得而守也。守者道也。而不灰也。故曰宇宙在乎手也。

黃帝曰。宇宙在乎手者。如何用也。廣成子曰。天地交合。宇宙不散。內造化生神。立陰陽神機。則成大道。大道者無爲也。無爲則命不亂。命不亂則神不移。神不移則精不散。精不散則氣不絕。更以道氣通行而固身。若運於精火相隨。煅鍊成金丹者。乃自然也。吾知宇宙之機。運而連運行之。合於天地之作。勿令放也。久而神自朝元。故不灰矣。乃宇宙在乎手者也。

黃帝曰。萬化生乎身者。何謂也。天真皇人曰。萬化者神也。精不散而神不離。神室者萬神聚會之鄉。在崑崙之中。五炁聚於內。人能將真精炁結成神胎。朝於鼎上。故曰



至聖萬神皆聚而爲一凡人移精失炁而不能保神是
不知生身之法生身之法陰陽之道故曰萬化生乎神
也

黃帝曰何者生身之法也廣成子曰從一炁所生而不知
一炁之造化一生二二生三三生萬物人受一炁化成
成三炁神炁精此乃生身之法也


黃帝曰一者何也天真皇人曰一者天地之根陰陽之祖
萬物之首乃生神也子能知真一之炁而萬物自生則
不歿故曰一也

黃帝曰天性人也人心机也何也廣成子曰天以斗運爲
机人以心爲机心者神也神机合道乃鬼神不測人未

生之時先受一炁爲命然後父母二炁相合故乃成形
胎元生神故爲性之源人能澄心如天地動機故同天
地乃因性靜心機合道故曰天性人也人心機也

黃帝曰人心機者如何用也天真皇人曰人心者機本也
人能存心守神而不忘機用心者百神之元也安心者
養性也是以聖人安其心而抱元含真含真者安性也
以心爲性以炁爲命炁絕則命忘皆亂於性也失其氣
故歿矣若人如天炁澄清故不失於性也性不失則炁
不散炁不散則命不忘命不忘則形不滅也天地者性
命之本也故曰天性也人心機也

黃帝曰立天之道以定人也何也廣成子曰天道者清陽



之炁也。故以純陽爲本。人能含造化純陽之體。如天地之陽而不棄也。人受一正之炁。體養萬神。純陽之理。故曰立天之道。以定人也。

黃帝曰。立天之道。如何用也。天真皇人曰。天道者人之本也。父母者人之始也。人能留形於本。而不失於始。調神合道。故曰立天之道也。

黃帝曰。如何留形。不失於始也。廣成子曰。人不憂愁思慮。而不失其本。去疾病勞苦。而不失於始也。失其本者。自忘其命。失其始者。形還下土。若人能心靜無慾。而存神炁。不失其始者。知理也。

黃帝曰。天發殺機。移星易宿。何也。廣成子曰。天之母者。太

易內藏陰陽二炁。日月也。日月未分。聖化生神。神名太

一之首。日月又分爲陰陽。陰陽分其五太。五太者五帝。

五帝又分八卦。八卦朝於中聖。化爲九宮。乃是太一之

神宮。立其五斗。內有中斗。日月星奇。北斗受機。幹運陰

陽。陰爲機者。死。陽爲機者。生。陰陽合機爲之道。太一將

生殺之機。周游八卦。移星易宿。返陰爲陽。乃長生。返陽


爲陰。殺者死也。天之四時。造化八卦。循環人身。中亦有

爲人。不知爲陰而殺。乃死。展轉輪迴。失其人身。人能致

修者道也。故曰天發殺機。移星易宿也。

黃帝曰。何謂不失人身。殺機不死者何也。天真皇人曰。太

一鎮在九宮。出入有時。召太陽君。回入陽殿。四時移換。



八卦朝元。萬神都聚。殺陰返陽。排列星辰。歸其金闕之內。聖境太清。正陽白元君也。若人知此天發殺機。能將太一真炁。隨機應化。返八卦純陽。復歸乾坤之祖炁。使合混沌。九天生神之章。乃為天道。永得長生。依此造化。為真人也。故曰。天發機移星易宿也。

黃帝曰。地發殺機。龍蛇起陸。何也。廣成子曰。冲和一炁。發者動也。故天運不絕。殺機者變化也。龍者天炁也。風也。蛇者地炁也。火也。人能運精炁。上下往來。奪之造化。故玄機若去六慾。動於機權。如天地之體。人在其中。有真陽之精炁。名曰蛇。上通天元之炁。呼吸而上下相應。地動之機起。而離陸。故曰。地發殺機。龍蛇起陸也。

黃帝曰。人身中如何用天真。真人曰。臍下一寸三分者。靈海也。中有真精一合。按於地土。中有二經通於腦腦。中有府名靈陽之府。有二穴。左曰太極之穴。右曰冲靈之穴。上通天炁。下至海源。故曰。呼吸天炁。下降地炁。上騰二炁相接。則養真精。名曰龍。青陽之本下者為蛇。則元炁也。二炁相交成藥。久鍊成丹。故不灰也。乃陽神超於身外。乃人身中地發殺機。龍蛇起陸也。

黃帝曰。人發殺機。天地返覆。何也。廣成子曰。人發殺機者。去六慾七情。靜則靜於神意。動則動於神機。內用神炁。上下相合。守於神者。陽炁也。頭圓象天。足方象地。天地返覆。乃陰陽升降。人之返覆。呼吸徹於蒂耳。一吸天炁。




下降。一呼地炁上昇。吸者天炁。呼者地炁。我之真炁相接也。人能下運地炁至天上。故曰人發殺機。天地返覆也。

黃帝曰。天人合發。萬變定基何也。天真皇人曰。天生萬物。人爲萬生一物之首也。故天地相合而長養萬物。人能用精炁相合。而萬神皆喜。天地故不棄而相逐。神在其中。神者乃天道也。而好清若濁。而神散不合天道。上古聖人。因精養神。存炁養精。合於天道。乃爲真人。天有一炁。地有二儀。中有三光。四時具備。五行相列。六合相生。七政爲機。八卦乃同。九宮布滿。天地五斗璇璣。人亦有一之。人能受天地一炁。相和諸神。配合兩儀。大丹乃成。一炁上下無窮。四時中有一炁。播於中土。五行顛倒內。下陽上朝金闕。七真常居體內。八卦共起元宮。三光混混沌。白雪飄飄。七政功成。黃芽內長。九宮貫串萬象。乃合天道。故曰天人合發。萬變定基也。


黃帝曰。性有巧拙。可以伏藏何也。廣成子曰。天性不可亂。神炁若亂。故不知所以神。伏藏者性如朗月。自然通道。巧者內使天機外事不可入。故伏智藏神也。乃同天道。拙者爲人。不知自有神炁。合道縱心。信意生情。一任散失。神炁不明。天地造化。亂認陰陽。故有疾也。乃性有巧拙也。

黃帝曰。性有巧拙。如何伏藏用也。天真皇人曰。性者神也。



不可動也。故神定炁和。元炁自降。伏者不貪嗜慕。慾藏者藏於神光炁。絳宮萬神聚會之鄉。伏藏而不動。萬神不散。故曰伏藏神定。造化久鍊成道。乃性巧不拙也。黃帝曰。九竅之邪。在乎三要。可以動靜。何也。廣成子曰。九竅者。心有九竅。內藏九氣。上者三清之炁。中者三皇之炁。下者本元之炁。乃精炁神也。出入有時。混而為一。外通耳目口鼻陰中也。三要者。神炁與精相合。玄牝玉戶。上通於天。下通於地。中通三皇之祖炁。乃三要之道也。動靜耳目口鼻也。目觀則心動。耳聽則神移。口發則氣散。鼻馥則精髓化為陰濁之水。若故令靜而不動。則心中二竅。左曰玄。右曰牝。下入氣海。上通泥丸。此真氣相通。故使神炁動機。玉戶自閉。穿脊腠過三關。而朝北極。陽宮動而保養真神。上古聖人云。動則動於神機。靜則靜於心意。精氣神是三要也。故曰九竅之邪在乎三要也。

黃帝曰。火生於木。禍發必尅。何也。天真皇人曰。木去其火。則不灰。人去其惡性。則不灰。木中有火。火發必焚。其真炁。乃成煙焰。卽上昇而歸天。火燬木為灰燼。而歸土。凡人性惡為火。火出則神散。神散則氣離。氣離則身死。真陽之炁。歸於天。濁陰之質。歸於土。謂火從木生。卽以水救之。卽不灰。人起火性。以柔而救之。卽身不壞。人之火發。而萬神皆散。故灰也。人能制火。禍不能尅。乃成大道。




故曰火生於木禍發必剋也。

黃帝曰。姦生於國。時動必潰。何也。廣成子曰。國中有姦。久而破國。身中有邪。久而亡國。王去其姦。則邦寧。人去其情。即身安。去姦者。六慾七情三尸也。人能制姦邪者。成其大道也。故曰姦生於國。時動必潰也。

黃帝曰。如何得安身也。天真皇人曰。萬物盜太虛真炁。人腹中有蠱盜萬物之炁。而名曰蠱。蠱者。化爲佞。蠱佞者。賊我之鬼。鬼。亡我之神氣。散我之精血。歿我之形也。人能知陰陽造化。起真火。煉陰都之姦。故殺蠱。不令爲害。故得身安。返成大道也。


黃帝曰。知之修煉。謂之聖人。何也。廣成子曰。上古聖人。用

神機測天地陰陽。昇降有時。要知火候之敢。下火依時。戊巳宮內。本始生神之母也。知者復歸其母。勿令放失。更受天炁。爲青陽之首。合地炁。爲陰之母。我之神炁。精在其中。五炁皆全。心靜無慾。用火煅鍊。鍊成純陽。造化成道。鬼返陽。鬼情陰。盡滅。松形玉骨。百開漏上。達於天界。乃爲真人也。故曰。知之修鍊。謂之聖人也。



道藏全集陰符經三皇玉訣卷之中
黃帝曰。天生天殺。道之理也。天真皇人曰。天生者。人歸元
道。正發復昇生也。內合天作至道。生真道隱在世。其人
能測聖機。內明外通。天地故知者不歿也。天殺者爲人
不信天道。任意損失精神。炁。故害物不過天數而歿殺
也。故曰。天生天殺。道之理也。
黃帝曰。天生天殺。如何用也。廣成子曰。爲人修道。不知天
時。歸根復始。錯認根源。故歿也。若人知天時。真炁歸根
復命。要知造化者。乃有虛無真源。陰陽合一。爲五行正
炁也。乾坤相勝。要知進退。乃無生歿。夫人道爲本。若不
知生殺者。是謂補不足。而損有餘。道之理也。故曰。天生

國立中央圖書館藏



道藏全集陰符經三皇玉訣卷之中
黃帝曰。天生天殺。道之理也。天真皇人曰。天生者。人歸元
道。正發復昇生也。內合天作至道。生真道隱在世。其人
能測聖機。內明外通。天地故知者不歿也。天殺者爲人
不信天道。任意損失精神。炁。故害物不過天數而歿殺
也。故曰。天生天殺。道之理也。
黃帝曰。天生天殺。如何用也。廣成子曰。爲人修道。不知天
時歸根復始。錯認根源。故歿也。若人知天時真炁。歸根
復命。要知造化者。乃有虛無真源。陰陽合一。爲五行正
炁也。乾坤相勝。要知進退。乃無生歿。夫人道爲本。若不
知生殺者。是謂補不足而損有餘。道之理也。故曰。天生

國立中央圖書館藏



天殺也。

黃帝曰。天地萬物之盜。萬物人之盜。人萬物之盜。三盜既宜。三才既安。何也。天真皇人曰。天以一炁而長養萬物。天地炁散。萬物盜之。萬物炁散。人以盜之。人知盜萬物之真炁。養形。更知昇降。順天時。接天氣。奪之造化。長生不歿。乃人盜萬物之天炁。故成道也。人不曉造化者。爲萬物復盜人之炁。卽因五穀而生。卽因五穀而歿。乃人被萬物復盜之而歿也。

黃帝曰。人盜萬物如何不歿。廣成子曰。人受冲和之炁而生。故不歿也。既稟受以情慾而歿也。若能存一炁。故保神。天以一炁而生萬物。更與陰陽相和。五穀共備。人乃

實腹強骨。不失精炁神。故不歿也。三盜既宜者。人能盜天地萬物之炁。以通神明。與天地相宜。三才以安。人之精神與天地同。而好清靜。是以聖人恬淡虛無。真炁存元精神內守。豈得歿也。故食飽者而傷於精血。太勞者而散於神炁。心起情慾者。萬物豈得不盜之也。故止飲食而身自輕。止思慮而神自靈。止嗜慾而神自清。故乃得道也。何勞外求。故曰。三盜既宜。三才既安也。

黃帝曰。故曰。食其時。百骸理何也。天真皇人曰。上古聖人食天炁而有時。自然百骸調暢。引太和真炁。注於身田。卽五臟清涼。六腑調泰。閑節自通。精神以安也。食時奪其造化。乃成大道也。故曰。食其時。百骸理也。




黃帝曰元炁通百關如何用也廣成子曰天季柔弱穿觔透骨養神安精皆使關節流通豈不知理炁者人之本始也本始者天炁也故百姓日用而不知炁之昇降陰陽往還有時受之一炁長養萬物若靈芝逢冬不斂如人得道不斂乃元炁通百脉關也

黃帝曰動其機萬化安何也天真皇人曰神机內用千變萬化自然成道故機者開其天關玉戶自閉而火發天關鍊髓純陽乃火相從又鍊而成丹故曰机也萬化者炁結成神朝歸於金闕自然安神安神久而不斂也机者密也人運机而化身無窮內外通神道合故曰動其机萬化安也

黃帝曰人知其神而神不知不神而所以神何也廣成子曰人知外象有吉凶之兆即禱而信求其應不知自己身中有神外可通天地內可修鍊成道顯自己陽神通聖何勞外求因精生炁精者炁之母神者炁之子此為三寶鍊成真入乃為神仙故曰所以神也

黃帝曰日月有數大小有定聖功生焉神明出焉其道機何也天真皇人曰日月者陰陽至精也故運而致數周游天下寒暑相兼六十日為一周四周為一備剋天地之意也定於日月周游於道故曰出入日月在於數中數者一也一者氣也氣結而成神神明自出神明者陽精也無不鑒而無不照也是以聖人窮日月之交合神



明出焉。知天地之造化，奪陰陽之機權，故生神也。而出
幽入冥，故數在一而成人也。而道者無爲也，機者心機
也。善能發陰陽之造化，入於無窮之數，此道無爲之正
也。機者發也，聖人得之機權，九陽六陰，合其一者，日月
有數，大小有定也。

黃帝曰：天下莫能知，莫能見，何也？廣成子曰：爲世人貪慕
嗜慾，而好慾縱，媾亂者爲不知天道，而忘其機，昧其精
而奔其神也。莫能知者，天道機密，陰陽不知也。不識造
化所爲不知者，亾精神散血氣焉。得知也，欲要知者，靜
心養性，固氣保神，靈而自知道也。見其神也，故曰天下
莫能知，莫能見也。

黃帝曰：君子得之固窮，小人得之輕命，何也？天真皇人曰：
是以聖人窮於大道，可通天地陰陽之理者，固其命也。
聖人得知固其氣，不失其精也。精氣相合，而生成大藥，
皆因知造化鍊神不散，固氣通神也。凡小人不知性命
之本，而不得保精神，乃亾其身命，故不守其神，而媾於
世，乃失其精神，輕其命而不自保，故歿也。君子又而行
之，可以固窮，小人輕其命也。常以輕神失命，亾其身，故
曰：君子得之固窮，而小人輕命也。

黃帝曰：瞽者善聽，聵者善視，何也？廣成子曰：視秋毫者不
見泰山，聽噍噉者不聞雷霆。善聽者非耳聰也，察音聲
者而自殺之。善視者非目明也，察色者而自殺之。瞽者



不見日月之光。察聽陰陽交合。久而行通。得長生也。聾者不聞雷霆。察通日月往還。久而行道。得久視也。夫視者內見其機。聽者內聞其聲。此兩者合道也。故曰聾者善聽。聾者善視也。

道書全集陰符經三皇玉訣卷之下

黃帝曰。絕利一源。用師十倍。何也。天真皇人曰。絕名弃利。元炁自守。絕巧棄智。盜賊無有。絕於聲色。更用元炁。抱一守中。勝貴人十倍。太上用大道。至於天下。爲聖師。藏火於中源。久而不動。動而自然。合於大道焉。用智巧。裁離其慾。而勝師十倍。故曰絕利一源。用師十倍也。

黃帝曰。三返晝夜。用師萬倍。何也。廣成子曰。三返者。三元也。天元真炁居首。靈源真炁居中。本源真炁居下。是以精氣者師也。心者君也。形者鑪也。用精日夜。遇三元。上下無窮。而用之。兼倍精神。元炁不散。形體不衰。而通於晝夜。晝則日用而陽明得。夜炁內動。陰炁於外。陽炁者



不見日月之光。察聽陰陽交合。久而行通。得長生也。聾者不聞雷霆。察通日月往還。久而行道。得久視也。夫視者內見其機。聽者內聞其聲。此兩者合道也。故曰聾者善聽。聾者善視也。

道書全集陰符經三皇玉訣卷之下

黃帝曰。絕利一源。用師十倍。何也。天真皇人曰。絕名弃利。元炁自守。絕巧棄智。盜賊無有。絕於聲色。更用元炁。抱一守中。勝貴人十倍。太上用大道。至於天下。爲聖師。藏火於中源。久而不動。動而自然。合於大道焉。用智巧。裁離其慾。而勝師十倍。故曰絕利一源。用師十倍也。

黃帝曰。三返晝夜。用師萬倍。何也。廣成子曰。三返者。三元也。天元真炁居首。靈源真炁居中。本源真炁居下。是以精氣者師也。心者君也。形者鑪也。用精日夜。遇三元。上下無窮。而用之。兼倍精神。元炁不散。形體不衰。而通於晝夜。晝則日用而陽明得。夜炁內動。陰炁於外。陽炁者




精神之本也。陰炁者敗我之形也。若能精神遇三元之祖炁。上下混而爲一。知師使之萬神俱其一。化其神。晝夜不停。陰魄俱消。三陽獨居於內。久而神自朝元。故不歿也。故曰三返晝夜。用師萬倍也。

黃帝曰。心生於物。而歿於物。何也。天真皇人曰。用心者意動也。意動則神移。神移則氣散。氣散則命亡。故歿也。心正者是神定也。制者則心正。一炁之源。內動之機。萬化皆通。心亂則萬神皆廢。故去情意。則萬神不失於物也。故曰心生於物。而歿於物也。

黃帝曰。機在目。何也。廣成子曰。道之遠者在八化之外。近在眉睫之間。大則包含天地。細則貫串眉毛。神機內助。目睫飛鉛。故神機在自。爲其間有神室。內動之機在目。而明也。非常景通道。見陰邪自滅。真境返正。見陽神於天道。故曰機在目也。

黃帝曰。天之無恩。而大恩生。何也。天真皇人曰。以天道而化下方。萬物自然生。乃大恩生也。不可以色慾縱其心。而使其意亂。則邪恩生。故有歿也。安其心以保其身。自然流通。豈不知烏不染而自黑。鶴不浴而自白。蛛不教而成網。燕不招而自來。如此自然恩生。故曰天之無恩。而大恩生也。

黃帝曰。迅雷烈風。莫不蠢然。何也。廣成子曰。迅速如雷霆。陰陽正氣也。人能食風氣。用陰陽之氣。上下精氣。蠢然





而已行道運動陰陽神氣內交真精上移而入於腦中。復降迅速如風雷三元布滿而百骸火飛鍊陰而返純陽。是以聖人速了道也。內修真體自妙如瑞草受陰陽。中和之炁故不灰莫不蠢然也。

黃帝曰。至樂性餘。至靜則廉。何也。天真皇人曰。至樂於神者。陰陽之本也。至者定也。定於心意。陰陽自合。至靜則廉也。目不覩於色。而神不移其炁。內保自然。至樂於天真也。去其慾。靜其心。定其意。守其神。抱一。至靜。而入新。換舊。乃達於道。聖人致性命合於天道。志剛則廉也。故曰。至樂性餘。至靜則廉也。

黃帝曰。天之至私。用之至公。何也。廣成子曰。天乃清陽之氣。至私者暗發也。則生於萬物。人在其中。復正神也。若能收藏元氣。補養天真。更能善用其功。而成道也。謂之至公。精氣固身。知者依時運用。上入泥丸。下入海源。會於中宮。以接元氣。度元關。朝金闕。三田相灌。百節俱通。周身火發。久而鍊之。得成仙矣。故曰。天之至私。用之至公也。

黃帝曰。禽之制在氣。何也。天真皇人曰。禽者鳥也。鳥者心氣也。故飛騰而有時。氣者虛無之發。人能致其氣。久而鍊為仙也。禽者南方火也。人能致其道。使真氣久而如禽。飛在太空。人能擒收在中元。鍊成正陽。乃得為飛仙矣。故曰。擒者制在氣也。





黃帝曰生者死之根。死者生之根何也。廣成子曰。生巧者死於命。人能定心。除六慾七情者。神定道生也。若心生慾情。性巧者神散命亡。死之根本也。心死永得復生。乃死之根也。


黃帝曰。恩生於害。害生於恩。何也。天真皇人曰。聖人恩生於道。凡人恩生於情。亡其身害其命也。損有其餘而補不足。有餘者心有情慾。補不足也。精神散也。縱心起慾。是害中生恩。苦志修心而不亂。則害忘也。保其神也。故是害中生恩。滅於歡樂而保精神。忘情無慾。至此乃成道。和快於心。滅於歡樂而保精神。忘情無慾。至此爲聖人也。故曰。恩生於害。害生於恩也。

黃帝曰。愚人以天地文理聖。我以時物文理哲。何也。廣成子曰。凡人知有天地文理。言聖人外像。不知我自有天地陰陽我藏也。陰陽者鬼神不測之法也。天地通大小幽冥之理。愚人所作不知。我與天地陰陽時物皆同耳。天地之理。聖人之機也。至道之苗。萬物之本。陰陽之宗。故變化無窮。乃至於道。至精我之有也。道之自然。萬物有物。我爲哲也。陰陽之非勝。奈我同而勝也。勝者我之神也。神者至道之源也。故我靈而陰陽同。聖天地也。二炁結而萬物皆同。神炁起時聖於大道也。吾曉大道。包舍天地。哲盡矣。旨真之理。我自然。聖化三清也。黃帝稽首再拜。謝聖君指教。愚昧。臣方曉大道。聖君遂駕雲鶴。



國家圖書館, NATIONAL CENTRAL LIBRARY, TAIWAN, R.O.C.

道書全集
陰符卷之門
丹空而去。黃帝回輦而還都矣。



國家圖書館, NATIONAL CENTRAL LIBRARY, TAIWAN, R.O.C.

